

PPk eta PSOEk oztopoak jarri dizkiote Ibarretxeren elkarrizketa mahaiari

Esan dutenez, ez dira inongo elkarrizketa mahaitan jesarriko Herri Batasunarekin

Itzi Uriarte / Bilbo

Juan Jose Ibarretxek bideratu nahi duen alderdi arteko elkarrizketa mahaiak ez du PP eta PSOEren babesa izango, aurkakoa baino. Alderdi biek Ajuria Eneko Itunaren aldeko apustua berretsi dute, eta EHrekin biltzearen aurka agertu dira, harik eta EHk biolentzia gaitzetsi eta indarrean dagoen marko politikoa onartu arte.

AJURIA ENEKO Ituna «jokalekua eta joko arauak finkatzeko borondatea» agerrarazten zuen foroa zela iritzirik, alderdiek horri eutsi beharko lioketela adierazi zuen atzo Nicolas Redondok. Azaltzen ari zena PSOEren Batzorde Federalaren ikuspuntua dela ohartarazi eta gero, Redondok «ikaragarria» iritzi zion «alderdi politiko demokratikoek Herri Batasunak eta bestek jarri nahi duen jokalekuan» amaitzeari. Egun, Redondoren ikuspuntutik, «HB eta EAJren amarru eta kontsentsu ez beti zehatzak ahalbideratzen ari dira HB eta ETA izan daitezen jokalekua ipintzen dutenak».

PSOEko burukidearen arabera, «ez da arrazoizkoa hitz egiten haseta guztiok joko demokratikoaren arauak bete gabe». «Gu ezin joan gaitzake inogo forora alderdi politikoren batek ez badu argi uzten joko demokratikoaren arauak onartzen dituela, eta ez badu salatzen biolentziaren praktika politika edota Euskal Herri eta Espainiako gizartearen eragiteko tresna



XOUSE SIMAL

PSE-EEko idazkari nagusi Nicolas Redondo Terreros, atzo Bilbon eskainitako prentsaurrekoan.

gisa». Horrenbestez, Ibarretxe lehendakariak prozesuan buru egiteko nahirik ez daukala ondorioztatu zuen Redondok.

Edozelan ere, Euskal Herrian inongo fororik mar txan jarri aurretik Euskal Autonomia Erkidegoko Gobernuak eta Espainiako Gobernuak ados jartzeko premia dutela nabarmendu zuen PSE-EEren idazkariak. Haren ustez, «ezin irten liteke Moncloako jauregitik gutxieneko akordiorik izan gabe onarpen edo arbuioaz». Alde horretatik, «luzea baina errentagarritasun eta eraginkortasun gutxikoa» iritzi zion Ibarretxek eta Aznarrek izandako elkarrizketari.

Joaquin Almunia, bestalde, Ibarretxeri borondate ona aitortu arren «botere politikorik ez duen gobernu bat» lideratzen duela esan zuen PSOEko idazkariak. Ildo berean, Egibarrek Ibarretxek baino botere gehiago daukala berretsi zuen. Almunia ere kolokan jarri zuen Ibarretxek bultzatu nahi duen ekimenak, galdetu zuenean ea zein zentzu izango lukeen Herri Batasunarekin mahai batean jesartzeak, ez badu biolentzia gaitzesten.

PP ez da EHrekin jesarriko

Iturgaitzek, berriro ere baina oraingoan Madrilén, argi utzi

zuen PP ez dela Euskal Herri-tarrok jesartzen den foro berean jesarriko. «Zein errespetu izan dezake nireganako eta nire kideenganako Otegi jaunak bizitza ezinezko egiten digutenen biolentzia justifikatzen duenean?», itaundu zuen TVERi eskainitako elkarrizketa batean.

Iturgaitzek aitortu zuen PPk arazoak dituela Euskal Autonomia Erkidegoan ekaineko hauteskundeetarako zerrendak osatzeko. Hala ere, 1995ean baino zerrenda gehiago aurkezteko «gizakiaz gaindiko ahalegina» egingo dutela iragarri zuen. «Espainiako jendearen laguntza behar badugu eskatuko dugu», gaineratu zuen.

Egiguren: «Foro berriak zentzua du HB joaten bada»

Erredakzioa / Donostia
ITXAROPENTSU azaldu zen atzo goizean Jesus Egiguren sozialista Euskadi Irratian egin zioten elkarrizketan. Bere ustetan, «hasi dugun bake bideak ez du atzera jotzerik, eta neurri horretan oso urte positiboa eta interesgarria izango da 1999a». Bere alderdiko Joaquín Almunia eta Josep Borrell

esandakotik urrun, Egigurenek esan zuen «Euskal Herriko egoera oso pozgarria dela, azken batean azkenean urteetan bakearen bila ibili garela eta su-etan horren bila ibili garela». Hala ere, PSE-EEko buruzagiaren iritziz, «gaur egun Euskal Herrian egiten ari den politika ez da egokiena ETArek su-etena sendotzeko

eta bakea lortu ahal izateko».

Euskal Herriko gatazka politikoren soluzioaren galderaren aurrean Egigurenek bere hausnarketa egin zuen: «Pentsatzen dutenek euskal gatazka terrorismoa desagertzeko amaitzeko dela oso bide arriskutsua daramate. Arazoa sakonegia da, eta garrantzitsuegia da pen-

tsatzeko terrorismoa amaitzeko dela». PSE-EEko buruzagiarentzat «soluziobidea Euskal Herriarentzat konstituzioak eta estatutuak onartzen dutena da, estatuarekin harreman berezi batzuekin, eskubide historikoak kontuan hartuz eta bide horretatik sakonduz».

Alderdi politiko guz-

tiak biltzeko foro berriaren inguruan zenbait «interrogante» daudela adierazi zuen Egigurenek, baina bere iritziz «HBren presenzia ez da arazoa sozialistrentzat, behar bada HBrentzat berarentzat da arazoa. Foro horrek, dena dela, zentzua du HB joaten bada, bestela hobe da Ajuria Enearekin jarraitzea».

Foro berriaren aldeko apustua egin du Julio Anguitak

Erredakzioa / Donostia

IZQUIERDA UNIDAKO buru Julio Anguitak euskal gatazkaren inguruko elkarrizketarako Ajuria Enea eta Lizarra baino zabalagoa den foro berri baten aldeko adierazpenak egin zituen atzo. Bestalde, Euskal Herri-tarrok hautes-elkarteak kale indarkeria «moztu» behar duela esan zuen Anguitak: «Ez bakarrik indarkeria gaitzetsi dezatela, gazte horiengana jo eta kale indarkeriarekin amai dezatela». Gobernuari dagokionez, IUko koordinatzaile orokorraren ustez, «bake prozesuak aurrera egiteko pausoak eman behar ditu, batez ere espetxe politikan». Anguitak autonomia erkidego bakoitzeko IUko koordinatzaileei gutun bat bidali die, Lizarra-Garaziko akordioaren inguruan testu bateratu bat idatzi eta adosteko. Testua igandean bozkatuko dute IUko batzar politiko federalean.

Nuin: «Anguitak errespetu osoz onartu du guk Lizarratik kanpo geratu nahi izatea»

J.K.L. / Iruñea

NAFARROAKO IU-KO parlamentario Jose Miguel Nuinen arabera, Espainiako IUko koordinatzaile nagusi Julio Anguitak «errespetu osoz onartu du guk Irlandako forotik kanpo geratu nahi izatea». Gogoratuko denez, Anguitak eta Nafarroako IUko kooordinatzaile nagusi Felix Tabernak bilera egin zuten herenegun Madrilén, IUREn baitan Irlandako Foroaren inguruan sortu polemika argitzeko; izan ere, Euskal Autonomia Erkidegoko IUK Foroa segitzea erabaki du, IU federalak erabaki horrekin bat egin du, eta Nafarroako IU elkargunetik aterada. Europa Press agentziaren arabera, bileran Anguitak ohartarazi zion Tabernari organo federalean erabakiak lotesleak direla lurralde-organotzat. Nuinek atzo azaldu zuenez, Anguitak ez zuen horrelakorik egin. Nuinek, halaber, iragarri zuen Anguitak aurki Nafarroara bisita egingen duela.